

## Ny Valosoa sy hadihady

**Tian-kano tsy tian-kano no terena atao amin'ny vahoaka izao**

**F**otoana iandrasana tanteraka ny fanehoan-ke-rin'ny hery velona rehetra eto amin'ny firenena izao, ho fanoherana ny tsy fahamarinana, ny tsy ara-drariny sy tsy hitsiny manjaka na ampanjakaina eto. Efa tena lasa lavitra amin'ny maha firenena maha izy azy ny firenena malagasy ny zava-misy sy ataon'ireo rehetra mihazom-pahefana. Tsy fanjakan'i Baroa intsony no misy, fa fanjakan'ny mpanao izay maha diavolana ny sainy, ka mampao ny vahoaka tian-kano tsy tian-kano fotsiny izao. Izany hoe atao izay tsy hampanan-tsafidy ny vahoaka malagasy, fa terena hanaiky izay tian'ireo mihazom-pahefana rehetra amin'ny hitantanany ny firenena. Inona intsony no antenain'ny vahoaka hiaro azy raha ny sokajin'olona ambony izay neverina ho tsy tokony hotohintohinina velively, fa manan-kaja sy hasina, tsy amin'ny tany ama-monina fotsiny ihany, fa eto amin'ny firenena manontolo mihitsy no tsy asiana indrafo, fa anaovana ramatahara sy ampanantsoina eny amin'ny toby fanadihadiana amin'ny heloka be-vava ary ampakarina fitsarana mihitsy. Ireo lehiben'ny sendika roa no niharan'izany. Olona manana ny zony tsy azo kitihina izao "immunité" no ananana fahasahiana lalina misambotra amin-kerisetra sy tazonina andro maro eny amin'izany toerana fanaovana fandihadiana izany, toy ny olo-meloka. Azo lazaina tanteraka ho sangany amin'ny olom-banona sy élita mihitsy eto amin'ny firenena ireny olona ireny, kanefa tena zimbazimbaina sy anaovana fietsika na fepetra tsy mendrika fotsiny izao. Izany hoe, ny olona avara-

pianarana, ny olom-banona sarotiny amin'ny fiarovana fahamarinana sy rariny sy hitsiny, ka te hampanjaka izany eto no lasibatr'ireo mpihetraketraka mpanao tian-kano tsy tian-kano ireo, satria manohin-tohina sy manohitra ny fietsiny sy ny fomba ratsy ataony eto amin'ny firenena amin'izao fotoana izao. Ny tena hafetsen-dratsy ataon'ireto mpisotasota ireto dia hainy ny manao teny safosiaka mampandry adrissa sy lainga mandrotsirotsy, ho fanampena-maso ireo marivo salosana sy tsy nianatra firy ka mora azo fitahina. Ampiasainy hatrany amin'ny fandraviravexana volabe aza izany, toy ny nataony tamin'ny fididianana. Soa fa ny maro an'isa amin'ny vahoaka malagasy no nahatakatra izany, ka tsy voavidy vola toy ireo sasany azo fitahina, dia ireny niaraha-nahita ireny ny taha-pahavitrihana nify, fa ambany. Eny, na natao mihitsy aza izay nampibontsina izany mba hanafenana ny ratsy atao. Dia izao, na hamoaka vokafididianana aza ny Ceni anio sy toy izay koa ny an'ny Hcc, dia tsy hampiraika akory ny olom-pirenena izany, satria efa fantany fa tsy ara-dalana ary tsy nan-deha amin'izay laoniny iny fididianana iny, fa feno hoso lozan-tany sy tranga ratsy mbola tsy fahita tato anatin'ny 60 taona.

Izany rehetra izany indrindra no mbola iandrasana ny fijoroan'ny olom-pirenena vanona rehetra, sapiro amin'ity tany ity sy ny fiandrianam-pirenena, fa tsy lova ratsy feno "lo" no havela hipetraka ho an'ny taranaka fara aman-dimby.

Sôh'son

Fifidianana Filoham-pirenena

**Anio no voalaza fa hamoaka vokafididianana vonjy maika ny CENI**

Anio no voalaza fa hamoaka ny vokatra vonjy maika tamin'ny fididianana amboletra natao ny 16 novambra lasa teo ny CENI, na ny vaomieram-pirenena mahaleotena misahana ny fididianana. Raha tokony ho natao omaly izany, nahemotra anio noho ny fandaminana hoy ny ao amin'ity vaomieram-pirenena ity. Nohon'ny asa mbola tsy vita ataon'izy ireo koa no anton'izao f-nemorana izao. Raha ny vaovao navoakan'izy ireo, tsy mbola ny vokatra rehetra no voakirakira, mbola misy ireo tsy azo, tsy haahasakana ny hamoahan'izy ireo ny vokatra vonjy maika anefa izany, izay mbola misy any amin'ny 10% Maherin'ny biraom-pfididianana. Etsy ankilany, tsy niandry ny valim-pfididianana vonjimaika avy amin'ny CENI ny avy ao amin'i HCC: fitsarana avo momba ny lalampanorenana, fa avy hatrany dia namoboka ny asa momba izay resaka voka-pfididianana izay hoy ny filohany, Florent Rakotoarisoa. Ho an'ny vondron'ny kandidà momba ity resaka voka-pfididianana sy fididianana natao ny 16 novambra lasa teo ity, toy ny tsy misy izany fididianana natao izany amin'izy ireo.

Nainaina

## RAHARAHAM-PIRENENA

**Nihaona indray ny vovonana PAN/FFKM sy ny vondron'ny kandidà**

Nihaona indray ny vovonana filohan'ny Antenimeram-pirenena (PAN) sy ny FFKM : Fiombonan'ny Fiangonana Kristiana eto Madagasikara ary ny vondron'ireo kandidà omaly teny amin'ny Japan'i Tsimbazaza. Tonga tany avokoa ireo avy amin'ny vondron'ny kandidà miisa 10, ny mahakasika ny raharaha-pirenena no heverina fa noresahana tamin'izany, indrindra ny mahakasika ny fahavitan'ilay fididianana amboletra sy ny hivoahan'ny vokatra tamin'izany, izay tsy ara-dalana sy feno hosoka. Ireo vondron'ny kandidà dia efa nanambara fa heverin'izy ireo ho toy ny tsy misy iny fididianana iny, noho izany ny vokatrizany dia heverin'izy ireo ho toy ny tsy misy ihany koa. Voaresaka koa ny amin'ny ho firosoana amin'izay ho amin'ny fifampidiniana amin'ny hery politika rehetra, ny sokajin'olona samy hafa eto amin'ny firenena, handaminana izao olana politika misy eto amin'ny firenena izao noho ny resaka fididianana, sy ny tsy fanarahan-dalana maro ataon'ireo mpitondra amin'izao fotoana.

Isambilo



Ireo vondron'ny kandidà teny Tsimbazaza.

Ralaiarimanana, filohana antoko mpihira

**Tsy azo ihodivirana ny fifampireahana eo amin'ny hery velona rehetra**

Tsy mbola tara raha miroso amin'ny fifampidiniana ny fitondram-panjakana, miaraka amin' ireo hery velona eto amin'ny firenena, na dia eo am-piandrasana ny voka-pfididianana filoham-pirenena fihodinana voalo-hany, izay natao amboletra ny Alakamaisy 16 Novambra 2023 lasa teo, hoy Andriamatoa Ralaiarimanana filohan'ny antoko mpihira Taratry ny Mazava, no sady mpitaiza tanora. Nanamafy ity tompon'nandraikitra ity, fa tsy mora ho an'ny olona iray ny manangana trantsara fototra ary tokony ho ao anatin'ny fiafaha-mientan'ny rehetra, no ahafahana manarina miaraka an'i Madagasikara ary tsy vahaolana ny fampihorohoroana sy ny antsojaj atao amin'ny olona tsy mitovy firehan-kevitra amin'ny tena. Nanambara Andriamatoa Ralaiarimanana, fa tokony hiara-hikaon-doha ny Ray aman-dreny am-panahy sy ny ara-drazana ary ny mpisehatra politika, mba hahafahana mametraka zavatra marim-potota, ho fitsinjovana ny flainam-ba-hoaka, satria efa miharatsy andro aman'alina ny so-

sialim-ba-hoaka ary miangavy an'ireo olona manantsaina, mba tsy hanao zavatra tsy am-piheverana intsony ka hampiditra an'i Madagasikara ao anatin'ny kizo lalina vokatry ny fitiavam-pahefana sy ny fitiavan-tena ary ny fitiavam-bola. Nanamafy ny filohan'ny antoko mpihira Taratry ny Mazava, fa tokony hitandrina ny rehetra manoloana ny fivoaran'ny raharaha-pirenena, satria efa sorena manoloana ny zava-misy ny fiafahamona Malagasy ary atahorana tsy ho voatazona intsony ny fiafankinan'ny Malagasy, ka hiafara amin'ny fifandonana noho ny tsy fitovian-kevitra politika izao toe-draharaha izao. Namarana ny fanehoan-keviny Andriamatoa Ralaiarimanana, fa tsy azo ihodivirana ny fifampiresahana, ho fitiavam-ba-hoaka ary ankino amin'i Jehovah Andriamanitra ny zavatra rehetra hatao eto amin'ny tany sy ny fanjakana, mba hiansy filaminana sy ny fandrosoana ho an'ny mpiray tanindrazana.

Franck razakambelo

**TONONKALO****Vao mainka hitohy ny gidragidra ?**

Maro no efa tsy manaiky izay ho voka-pfididianana, Be ireo efa nanakiana ny tsy fahatomombanana, Saingy indre mikiry hatrany ry zareo mpangala-bato Ka manery ny hamoahana ireo vokatra ato ho ato !

Tena ny haingana indrindra, hahafahany manainga, F'efa dodona sy maika ny hijoro Rainilainga. Miasa mafy ireo komity mba hanao ny tsy fanao, Dia toy izany koa « ireo avo » efa tsisy kalitao !

Irets « folo » izay nitaona ireo vahoaka tsy hifidy Dia nilaza fa tsy hanaiky n'iza hibaiko hamoaka didy. Raha izany, irony fery mety hivadika ho dridra, Ka vao mainka tsy hilamina fa hitohy ny gidragidra !

...Dia andrasana ny tohiny, inona no mety hitranga Fa ny lanitrao ry nosy toa tsy mety mihamanga ? Kolikoly, risoriso, izay no enti-mifaninana, Hany ka tsy mahagaga raha mitohy ny hamaizinana !

IRINA HO TAFITA (24-11-23)



Ralaiarimanana, filohana antoko mpihira sady mpitaiza tanora.